

辛

卯

侍

行

記

辛卯侍行記卷四

自蘭州西北至甘州一千有三十六里

秀水陶保廉

十月初三日在蘭州至藩署與圖局晤友人陸映庚陳子

康諸君徧閱各屬申送之圖絕少合法者

經費支絀必不能從容徧測頒

行章程十里一方每方面積百里縱能詳測亦不能詳繪

借志書十餘種歸窮日夜之

力閱之求河州循化貴德各志不可得竊維隴右回紇羌

戎在在錯居河州尤甚全省安危繫於河州而河州巖端

輒肇於循化邊方道里形勢就所聞知稍記大略其古今

沿革既無志乘可攷省志成書時未有循化貴德二廳私

家著述亦多繆誤余意先取水經注註明北魏郡邑由此

上溯之下推之雖不中或不大遠乎

鄭注枹罕以西河流考

節錄原文附鄴見考證以按字別之

河出崑崙

按此謂新疆南路二葱嶺河及于

淪于蒲昌

按

今吐魯番西南羅布淖爾也水經正文云入於渤海下又云南至積石釋者致疑杜佑竟義爲詭誕無憑不知蒲昌一名勃澤作水經者原引山海經出于海水按謂青海西之勃澤後人孤陋訛書渤海耳南之星宿海也逕積石而爲中國河積石之山下有石門河水冒以西

南流

按大積石山在貴德西南青海東南約二度半土爾扈特南頭旗及阿里克土司之南今名阿木尼瑪勒

占木遜山河水繞山之東北至和碩特前頭旗之南折西南流萬斯同謂河皆東流以是誤水經不啻扣槃之見矣

禹貢所謂導河自積石也

按禹跡所履遠出秦漢版圖之外此積石明不在枹罕

河

水屈而東北流

按河自和碩特前旗西流經土爾扈特南前旗漸向西北至和碩特南左翼中旗屈

向東逕于析支是爲河曲矣鄭氏原注引應劭曰析支在北  
青海直南河曲左右各蒙古牧地及阿里克番地卽道元  
所謂析支若秦漢以上析支甚廣史記匈奴傳曰析支  
走月氏又霍去病出隴西過焉支山張守節云氏音支焉  
音烟括地志涼州肅州瓜沙等州本月支國又云焉支在剛  
丹縣東南後漢西羌傳河關之西南羌地濱於賜支至乎  
河首縣地千里賜支者禹貢所謂析支南接蜀漢徼外西  
北郡善車師十三州志西平張掖之間有小月氏合觀諸  
說可知月氏焉支賜支皆析支一音之轉禹言析支槩今  
甘肅州之祁連山內野牛溝黃黑東北歷敦煌酒泉張  
諸番族南及青海全境皆在其中  
掖南表之非謂眞歷其境也河水又東南河自土爾扈特  
至和碩特南右自河曲逕西海郡南原注王莽諷羌獻地  
翼末旗轉東流自河曲逕西海郡南原注王莽諷羌獻地  
海亭燧相望按漢西海郡治龍耆後仍爲羌據永元時曹  
鳳請復西海郡拜爲金城西部都尉屯龍耆一名龍夷三  
國魏志郭淮傳進軍西海戰於龍夷之北道元云湟水東  
南逕龍夷城故西零之地在臨羌新縣西三百一十里湟

水又東南逕卑禾羌海北是漢西海故城在今巴哈淖爾西北和碩特東上旗地巴哈即卑禾也道元謂河逕郡南蓋去城尙遠又按隋於吐谷渾故都伏俟城置西海郡則在青海內十五里當今綽羅斯北中旗地唐龍文在鄯州東南非漢龍耆地而章懷注西羌傳輒以漢龍耆爲鄯州龍支迷惑後人舊唐志亦然撰志者第見名稱近似并而爲一又東逕允川按青海東南岸歷大榆小榆谷北此類多矣又東逕允川輝特南旗地原注羌迷唐鍾存所居永元五年賈友爲護羌校尉攻迷唐於逢雷河上築城盛參於河峽作橋渡兵迷唐遂遠依河曲永元九年曹鳳開口列屯段國沙州記吐谷渾於河上作橋在清水川東按西羌傳賈友攻迷唐於大小榆谷獲首虜八百餘人遂夾逢雷大河築城塢作大航造橋迷唐率部落遠依賜支河曲是賈友旣破榆谷乃至逢雷河此河必在榆谷境中今貴德廳西南一百三十里沙溝又名烏蘭河疑卽逢雷之轉音其二榆谷蓋在烏蘭河左右胡三省謂大小榆谷卽唐之九曲去積石軍三百里則與河曲不分明方輿紀要謂章懷太子曰黃河至大小榆谷有逢雷之名按今又逕沙州北按此非敦煌之沙州西秦西羌傳注無此文又逕沙州北乞伏氏有沙州刺史領西

平遼河諸郡段國沙州記洮水西接黃沙謂之沙澁則段  
今貴德以南至於洮水之源西傾之山皆為沙州地也  
國曰澆河西南一百七十里黃沙周數百里沙州取號

焉漢宣帝置河關縣取河之關塞也按貴德西七十里河

流溝聲動地不異呂梁蓋即河之關塞河水又東北入西平郡界按後漢西

在西甯府城稍西今府治為唐鄯城縣宋西甯州地非隋

唐鄯州城也鄯州治遼水縣在漢西平城東一百二十里

逕澆河故城北原注有二城東西角倚東北去西平二百

里即此城也按今貴德東北八十里朝天驛八十里中驛

六十里西甯其二百二十里而貴德西十里有古城址甚

長蓋即吐谷渾之澆河城也舊唐志澆河城在廓州達化  
縣西一百二十里元和志積石軍在廓州西南一百五十  
里即隋澆河郡所理隋志澆河郡周武帝置廓州開皇初  
廢又按道元上文言意謂吐谷渾之沙州即漢河關地所  
謂河逕沙州北西平郡界皆舉大勢言之至澆河乃是沙  
州城邑以此知漢河關吐谷渾沙州後周廓州隋澆河郡

治河津縣唐積石軍實在一地阿豺既居燒河又自稱沙  
州刺史亦燒河卽沙州之一證西南志謂唐積石軍在礪  
伯東南逕黃川城按貴德東北七十里有又東逕石城南  
謬也  
左合北谷水按今巴燕戎格應西境貴德東境黃河  
北岸沙冲寺迤西有查什浪溝疑卽古石城北谷也黃河  
城南魏太平眞君置湟河郡屬鄯州魏書地形志鄯州下  
亡佚今巴燕戎西百餘里有金剛城南枕河壩湟河故郡  
疑在此省志西南志皆謂在礪伯東南與鄯注形勢不合  
廣遠城北合烏頭川水北逕城東而注于河按廣遠卽廣  
復置郡於河津縣改廣威爲化隆元和志舊唐志均謂後  
魏廢帝因境內有化隆谷改名唐改化復稱廣威爲廓  
州治黃河在南八十步則唐之廣威與北魏故城隔河水  
矣唐廓州西距燒河一百五十里今貴德東一百六十里  
康家寨疑卽北魏廣威城也康家寨踰河而西約三十里  
抵金剛城此城西距貴德西古城址約一百五十里則唐  
廓州治疑亦在金剛城左右且金剛之音近於廓也邯川  
又康家寨東南有三岔河源出番地疑卽烏頭川也邯川

城南城左右兩水自北山南逕邯亭注于河按今巴燕戎  
城南六十里有甘都堂城城北有二水來會則甘都堂  
卽邯川邯亭矣又按元和志米川縣西至鄆州一百里前  
涼置邯川戍後魏於戍置廣威縣貞觀十年於縣東一百  
二十里黃河南岸置米川縣屬河州永徽六年移河北屬  
鄆州今康家寨東抵循化城百餘里西北與甘都堂夾河  
相望則循化爲貞觀所置米川縣地又東臨津谿水北流  
而甘都堂爲永徽所徙米川縣也  
注于河按循化東南有起臺溝又東逕臨津城北白土城  
南十三州志左南津西六十里有白土城在河北爲濟渡  
處方與紀要臨津城在河州西北百二十里前涼置臨  
津縣屬興晉郡隋曰臨津城地從此踰河稍西北至積石關適  
一百二十里當卽臨津城地從此踰河稍西北至積石關適  
東南境之白土坡卽古白土城地積石關隔水相近爲臨  
津關無疑不知何時訛稱積石蘭州府志謂唐置積石軍  
於此左會白土川水出白土城西北有杏爾溝水東南流又  
謬也

東北會兩川

按積石關東有樣卑川又東有吹麻河

夾岸負嶺北有層山彼



羌名爲唐述山

按今小積石山在礪伯東南二百里又東

北歷研川謂之研川水東北注河

按河州西北紅巖關有銀川河東北流銀卽研

之轉

謂野城

按銀川入河處今名唵哥集

又東歷鳳林北枹罕原北

名鳳林川

按今河州北鄉也

又東與灘水合

按今河州北灘水入黃河處曰蓮花渡蓮

花卽灘河之轉音近世志乘以灘水爲大夏河者誤也

注洮水北逕降狄道故城西北會大夏川水出西山東

北逕大夏縣故城南出山注于洮水今河州東南陡石關

所出廣通河東北流經太子寺三甲集入於洮因在狄道

西境故又名西改河此水與鄯氏所述大夏川河又逕左

源流相合後人以難水冒大夏之名深可怪也

南城

蓋在河州東北白塔川迤東北接皋蘭西境之青

石寨

卽古赤岸北

按當在河州東北毛龍峽

洮水注之

循化廳漢金城郡枹罕縣西徼外羌戎所居

俞浩以循化爲漢白石縣

誤也鄴注澧水東北流先逕白石後逕枹後漢改屬隴西  
罕則白石縣當在河州西南韓家集左右循化蓋近安帝時皆  
郡和帝時侯霸置東西邯屯田五部東邯也

陷於羌建安中爲西平郡南境晉惠帝時屬狄道郡通西

縣亦屬狄道故也永甯中爲前涼晉興郡所屬臨津縣西境臨津

州西北積石關後沒於吐谷渾北魏屬澆河郡東鄙其南

兼有羌人之消銅城列城可石孤城黑城榆城各地水經

水上游所逕皆在循化南宇文周屬洮河郡廣威縣隋屬

拉布楞黑錯寺各番地

西平郡化隆縣唐爲澆河郡米川縣貞觀初並置米州十

永徽六年改開元二年置綏和守捉鄯州西南二三年置

屬澆河郡百五十里

鎮西軍河州西一後又置振威軍天寶十三載於河州肅

宗上元後沒於吐蕃宋哲宗元符中收復徽宗崇甯三年

修築米川城仍屬廓州

宋志米川西至廓州約六十里疑非唐時故址矣宋又取吐蕃一公

城改曰循化在黃河南百餘里當今循化東南番地未詳所在金以循化城屬積石州元

屬貴德州明屬歸德千戶所萬厯中韃靼卜失兔火落赤

等據莽刺捏工兩川

今圖循化南約百里有捏工川莽刺

恰克河一名忙拉水者為莽刺川未知孰是

數內寇

國初設循化營遊擊保安堡都司乾隆二十七年設循化

廳屬蘭州府道光三年改屬西甯府

同治元年撒拉叛三年春攻陷廳城

貴德廳漢金城郡河關縣及縣西大小榆谷澆河燒當羌

所居地後漢以河關屬隴西和帝永元中護羌校尉賈友

攻破燒當築城於逢畱河侯霸置東西邯屯田五部此蓋

西邯今甘都堂以西皆是晉惠帝以河關屬狄道郡前涼置湟河郡

郡治疑在巴燕戎西今肅州東境當屬湟河邯川戍及吐谷渾阿豺所築澆河

城通典水回湫曰澆蓋置於澆河後涼南涼均有澆河郡

秃髮傳檀有西秦兼設湟河澆河二郡增置沙州刺史以

領之初鎮西平北魏亦為湟河澆河郡西魏徙澆河於廣

威縣疑在今廳東一百六十里康家寨尋沒於吐谷渾宇文周逐吐谷渾

置廓州義取開廓即漢河關涼秦澆河郡地改設洮河郡領洮河廣威

達化郡有達化綏遠等縣隋并屬澆河郡領河津達化二縣廢後

及西平郡之化隆縣以北魏廣威改唐為廓州治化成縣天寶初

威在河北岸疑卽巴及達化縣元和志東至廓州三十里燕戎所屬金剛城地舊唐志吐谷渾澆河城在

縣西一百二十里按達化縣當儀鳳初於州西南一百五

十里靜邊鎮置積石軍元和志西臨大碛北枕黃河卽隋澆河郡所理今廳西十里閭門左

右天寶初改廓州爲甯塞郡又有甯塞軍十三年哥舒翰

奏置威勝軍在積石軍西八十里宛肅城金天軍積石軍

百四十里洪濟橋當武甯軍洪濟橋東南八曜武軍廓州

在廳西南恰克河武甯軍十里百谷城南至黃

百里黑肅宗以後沒於吐蕃宋崇甯中收復廓州河不及

里五年罷大觀三年改設防禦置積石軍於溪哥城東至

界八十里西至金爲積石州領縣一懷城三循化大通來

青海一百餘里通津臨元有積石州地理志未載見河源附

廓州積堡三灘來同錄距河州安鄉關五日

程當在今貴德州地名必赤里在積石西南均隸吐蕃

德循化之間四五日程當在今廳西南宣慰司明為貴德所非其故地也積石所屬河州衛

國初因之雍正四年改隸臨洮府乾隆三年改屬西甯府

二十六年設貴德廳貴德同民法正清等同治六年叛陷

工土司韓起忠管韓姓撒拉東鄉下四工土司韓膺祿管

馬姓撒拉撒拉以羌而奉回教同教得撒拉而有所挾號

召固結權在掌教之阿琿其土司首鼠而已保安營西有

脫屯吳屯李屯季屯小土司也土民習俗介漢番之閒奉

佛拒回樂為官用循化貴德兩廳番居十之七八而貴

德番族強半為循化所轄番依所居山水別為種族族尊

一人為酋曰洪布猶言官長也洪布多世及載於官書者

謂之士司官書所遺者亦自世及如古封建時之大夫也

洪布大者曰昂瑣或曰浪借猶古之世卿也羣若干族而

戴一招提兵刑錢穀惟招提是司華言謂之寺彼族視為

公官也番之子樂為喇嘛小喇嘛猶貢士大喇嘛猶居官

商卓則將相也呼圖克圖則國主也華人好文稱以活佛

活佛所統番族有多寡其貴賤強弱因之猶公侯伯子男也活佛不世及執一番重強稱之曰轉世佛名以舊名歷數世而如故其創也如古祭禮之立尸也其繼也於傳子傳賢之外別創一格者也佛不轉世而世必一佛乃取死佛之錦采袈裟以嬉是月生之孩童童偶喜笑舉手摩之草喇嘛即消伏稱呼畢勒罕如是者不一童而訟起而賄行髮執政喇嘛之欲而後定佛之轉世輒在爲昂墳有財力者之門眞偽可悟矣與服冠蓋悉黃如帝者出入擁護衆番崩角號稱寂滅而日事紛華號稱澹泊而日茹牛羊號稱不娶而廣漁番女其誦經也男婦並列外老嫗而內少艾鏡鏡雷震不聞經典竝以溺器徧斟番商而重其息復醞鬪謂可已病其牟利也假金於番農番商而重其息商售貨農售穀必取所獲之金三之二盛於槃戴於首蒲伏於寺以求獻左右者故屏之必徧賄之乃導以見於活佛納所獻酬以哈達愚番戴哈達歸誇耀傳侶若立大功如是者衆青海漠北各蒙古亦不憚跋涉遠來以故拉布楞之藏擬於金穴諸喇嘛利立功佛稍長繼以聲色智者倖存蠹者不活此又於簾弒之外別創一術者也嗚呼佛亦片矣拉布楞活佛加木樣隆務活佛沙而力黑錯活佛夕只倉昔黑錯寺與拉布楞爭地連兵累歲死亡無算黑

錯終不肯屈乃附庸於隆務以免佛國亦戰國拉布楞  
小焉者也其西南不有衛藏耶將郡縣之乎而法弊官冗  
不克自保管葛任之亦徒召亂將聽之乎則寇兵盜糧恐  
或有齋而藉之者顧此西土能勿警惕或謂余不當洩此  
機緘不知遠人之洩之也久矣循化南番各寺拉布楞  
最大番僧五千其次曰黑錯曰卡家曰阿木撥曰合隆哇  
曰沙溝曰上火力賊曰下火力賊曰白石崖番僧三四百  
或六七百西番各寺隆務最大番僧二千其次曰朶楞曰  
邊堵番僧三百小寺無算番僧數十或一二百貴德番  
族各寺工巴最著其次曰白佛曰國巴曰思得六曰思古  
魯曰迭纏凡二十餘所番十民而五僧積部族者舉寺以  
對稱戶口者舉僧以對番稱天子曰老佛爺稱西藏達賴  
曰大佛爺其次則尊蘭州成都二總督及青海大臣其餘  
官秩非所知統曰洪布俗事畜牧獵山多地寒穀止青  
稞耕者不及什一粟麥茶布仰給內地交易以尺布亦有  
錢二十五文爲一陌番性愚樸間有點者苟挾其詐彼卽  
驚爲佛報顏不復辯此猶勝於漢人也惟重利輕死布四  
匹抵一人價羊兩頭抵一布價內地官弁以事往無論爲  
牧令爲都守其酋豪召集男婦跪迎欲錢及羊馬爲贖少  
納無怨不納尤戚或因緣多取之甚至索女索金亦敢怒



不敢言窮員方漢爲利藪番族視華官多貪鄙貌益恭心益離官府大言曰此吾所羈縻者也覆帳竊語曰此吾所敷衍者也不澄官之源侈論緩邊取違耳之皆經濟審之皆夢囂耳

蘭州府志承杜佑之誤以河州西北之積石爲禹貢導河積石竝引蔣文肅尙書地理今釋以張其說不知此書頗有誤處因已采入

欽定書經傳說彙纂讀者不敢輕議然前賢著述亦賴訂正於後人敬按彙纂於康熙末年

敕修雍正八年告成文肅爲纂修官竟以己所撰地理今釋編入大半蓋由文肅自言此書係倖直

內廷時仰承

聖祖仁皇帝指授者也

見四庫全書總目

今閱所論黑水三危列

入彙纂者不以康熙五十九年

聖祖諭旨爲主已與前所言者自相刺謬積石一節胡氏  
禹貢錙指博引諸說以在河州西北者爲小積石卽酈注  
之唐述山唐儀鳳初於廓州西南一百五十里之澆河故  
城置積石軍始移積石之名於塞內禹所導之積石實在  
塞外卽唐魏王泰張守節所謂大積石而文肅言無所謂  
大積石後漢郡國志河關縣積石山在西南桓帝紀段熲  
追羌於積石注卽禹導河積石在鄯州龍支故城在碾縣  
伯西南  
南是河州積石之名非始於唐云云保廉按前漢地理志

河關縣積石在西南羌中則明在塞外郡國志刪羌中二字但言西南不言里數安知不指塞外耶段熲傳追羌四十餘日至河首積石山出塞二千餘里唐書吐谷渾傳君集行二千里閱月次星宿川望積石山此豈在塞內文肅僅據桓帝本紀之注不知此注卽出唐人手也漢之枹罕今之河州漢之河關卽唐積石軍唐廓州治化成縣在今西甯南一百八十里巴燕戎西境貴德東境積石軍更在西南元和志云積石軍西臨大碛北枕黃河當在今貴德西古城址西甯府志謂在張伯東昔人多言河關在河州西因當時州西無邑治故南誤也以河州概之實則河關在河南小積石在河北距州一百

二十里之礪伯縣境文肅以河州爲河關則積石反在關

北漢書何言積石在河關西南耶

肅明謂唐置積石軍始移其名於塞內此論亦

未確積石軍在貴德西境本與河曲大積石比鄰定名不甚懸絕若河州之小積石遠在軍治之東不解何由致誤反覆詳思始悟貽惑在龍支之支字漢龍者縣在青海東北岸積石在青海直南無鄰邑故者老相傳積石在龍者南境唐代襲舊名設縣於鄯州之南百餘里謂積石在漢西海郡龍者故縣南可也杜佑乃云在西平郡龍支縣南矣謬

釋經者咸謂河出崑崙禹自積石導之一若禹未親歷河

源者北山經云昆侖之東北隅實惟河原此指河之上源

潛於泐澤在崑崙之陰者也

水經云崑崙虛河水出其東北陳人下泐海同此意惟誤

泐爲泐耳

西山經云積石之山下有石門河水冒以西流此指

河之重源在崑崙之陽者也積石最大處爲瑪沁雪山距  
星宿海鳥道不過二度是積石卽崑崙南支安知禹時所  
謂積石非卽星宿海上之枯爾坤耶禹貢所載崑崙係國  
名非山名迨言導河積石則近崑崙矣禹膺大役周歷天  
下縱不越崑崙之陰未必不履河源之上況旣躬至積石  
距河源伊邇何以知其遽爾裏足論古者於穆天子則信  
其登崑崙觴西王母獨於禹則斷其不踰積石一步復  
以西羌之積石爲遠強移之於河州畢沅注山海經謂夏  
書積石不當大遠竟疑河源不足信以大積石爲傳會此  
以後世情形猜度上古不思大禹本生西羌豈入羌地而

趙起者耶西傾山番名俗察布拉山在循化貴德直南與今洮州界無涉洮州西南有卓泥土司或卽禹貢朱圉舊說謂朱圉在漢冀縣今伏羌縣西南三十里之白巖山卑小可疑書孔傳西傾朱圉在積石以東是禹貢語意從積石東行而西傾而朱圉而烏鼠以至太華皆自西至東順導之倘東至伏羌復折西北向烏鼠殊不順矣陳子康付至洮州測繪言洮州西南石門山中裂而左右高形似伏虎映日殷紅西貢朱圉疑是此山圉與敵古通用敵樂器刻木象虎石門山狀正如樂器之祝圉又因色紅故名朱圉云蓋洮岷南境卓泥左右諸山皆古朱圉卓泥卽朱圉諸聲土人不知傳會沿川古名間有可信九域志朱圉在大潭縣大潭在今西和縣西南三百里與洮岷卓泥相接九域志之言當有所本也

初八日遊五泉山策馬出南門五里抵山五泉者曰甘露曰掬月曰摩子曰蒙曰惠今水最旺處呼東龍口西龍口山多佛宇回逆燬後佞佛者正鳩工重修登山半危亭目

窮千里河流萬頃彷彿吳山頂上觀錢塘潮也飲於武侯

祠

同座有咸甯宋  
聚五餘皆舊友

五泉山一名皋蘭山志云霍去病擊匈

奴鏖戰處余按漢書去病傳票騎將軍喻烏犂討邀濮涉

狐奴歷五王國轉戰六日過焉支山千有餘里合短兵鏖

皋蘭下注引蘇林以皋蘭爲匈奴中山關名唐書回紇傳

太宗以鐵勒之渾部爲皋蘭都督府新唐志廢都督改置

東皋蘭州僑治鳴沙隸於靈州鳴沙故城在今中衛縣東

南百五十里以是推之僑置之皋蘭州在甯夏南境初置

之皋蘭都督府在甯夏北境賀蘭山下矣賀蘭卽皋蘭之

轉音而去病鏖戰之皋蘭去焉支山千餘里當今甘州北

之合黎山蓋合黎卽賀蘭之原音禹貢之合黎霍去病謂  
之皋蘭直張掖北徼山脈東抵河套故甯夏北山亦爲皋  
蘭後人不知以音求地但就文區別因判合黎與賀蘭爲  
兩山今蒙古之牧賀蘭者又訛稱阿拉善甘涼迤北部族  
及山多以阿拉名一統志巴圖爾額爾克旗西南龍首山與山丹縣接界蒙古名阿喇克鄂拉解互廣遠甘省檔案阿拉善與內地交界設立鄂博乾隆五十六年定章每年春秋兩次巡察蒙漢有無越界鎮番縣東有阿拉崙山亦爲設鄂博處是阿拉之山不專屬甯夏也合黎皋蘭賀蘭阿拉四名

一地實卽胡語所謂哈喇也去病鏖戰處距今皋蘭縣連

甚隋立蘭州取皋蘭山以爲名由職方氏之失考也

水經注

水東北逕石門口卽皋蘭山門霍去病出隴西至皋蘭是山之關塞也澗水又東北皋蘭山水左右翼注之又東逕



白石縣故城南在狄道西北二百八十五里又東湫枹罕故城南按白石縣在河州西南五十里韓家集其西泉蘭山門當在土門關左右接循化境此別一泉蘭鄭氏以爲去病所至非也又按杜佑謂洮河城在廓州達化縣賀蘭山下此別一賀蘭在貴德境蓋循化貴德之南山古亦有泉蘭之名復轉爲賀蘭耳

十一日壬寅發蘭州浙館 一里鎮遠門轉北出橋門正

對白塔山其上祠廟矗立過河橋坊題第一橋明初創建於城西七

里嗣後迭經移置以二十四舟亘河中舟各相距一丈五尺架木以聯之棚以板固以欄兩厓鐵柱四木柱四十五鐵索棕麻草繩各相屬每年冰解時搭橋需人數百或在岸或在舟或乘皮筏巨繩繫舟從上流緩放舟繫大筏四五盛以石候舟至恰好處則擲筐於水舟稍定卽繩纜交加如此一一牽緩而橋成壓以巨鐵索舟得隨水高下夏秋盛漲時經理失宜仍虞冲散舟工經費每年二三千金不敷修理由臬蘭縣賠墊冬至後河將凍冰塊自上流下大如房屋卽撤橋緩則糜爛矣冰既合制府祭冰橋縣役以鋤削平鋪以土車馬暢行如通衢 皮筏卽渾脫牛羊

皮爲囊鼓以氣聯四五具或七八具浮水如筏惟不能逆  
流而上西甯人以此運米至蘭州則束筏乘車而返皮筏  
聯數具乃穩若止一具氣洩則溺河凍未合冰楊宮保  
塊絡繹而下膽壯者踞冰上迭躍而過有溺斃者

以下文武弁勇送於城外家君過河後坐車以轎陪傍

山沿河西行

由橋頭街東行折北七十里水埠八十五里六墩東北九十五里大拉牌七十里蘆塘九

十里營盤水一百四十里長流水七十里中衛縣又東北  
三百六十里甯夏府又經蒙古地一千二百六十里至山

西邊外二里金城關隋唐置關今有磚牆一道八里十  
包頭鎮

里店卽保安堡至此折西北行不見黃河迤西有前明邊

牆斷續相望

完善者高約二丈無垛口闊數尺土人呼爲秦長城非也有聚林有大墩

十二里石家灣春多桃花

此處西行十八里沙井驛七十里苦水驛五十里紅城驛

其路較迂官商折北行三里安甯堡之北五里沙溝  
多由俞家灣

寬二三丈兩旁亂山路曲而平丙戌夏甘州府吳君協中

赴任經此山水環注其子漂沒無蹤同治元年七月權陝

甘總督沈文忠

名兆霖  
杭州人

於平番西沙溝遇雨漂溺北地多

陡水無停蓄處夏秋山行宜西意也三里路稍寬有巖

石突起下方上圓如樓臺土石皆紅黃色七里朱家井

民居二三十戶飯後仍西北行兩山間十五里白石頭

土屋一家

十五里下坡俞家灣

泉蘭

民居三四十戶住店

計行七十一里皆瘠地沿途邨民相送間有衣冠者

俞家灣無

井砌窖積  
雨水俱飲

十二日由俞家灣西北行三里小澇池居民二十餘戶

二里一大阜特立如層臺上有小廟

一里蘭溝

四山皆紅

沙邨民來送折西行

一里原山廟

泉蘭平番分界

四里琵琶臺

升降高坡過土橋北行

十里哈家寨土屋二十餘

十

里狄家鋪土屋二三

十里鹹水河鋪戶三四十飯後西

北行始有樹木邨舍

三里張家莊

二里達家莊

五

里觀音寺折西行

十里泉溝嶺

七里徐家店

一稱徐家水磨

邨堡相望頗有林泉西北行

五里紅城驛

平番

土城周三

里駐守備鋪戶百餘住店計行七十三里

萬里行程記言紅城多綠樹今

則不然

紅城西南踰湟水即漢允吾境土人往往指爲趙充國屯田處按充國引兵至先零所在係神爵元年七月後請屯田朝廷以爲不便凡三奏乃報可每奏至得報必一月議定已在仲冬無可耕矣明年五月即奏請罷屯

而還則所謂十二利者多託空言讀史者目爲奇功動陳充國之策亦未考耳

十三日由紅城西北行 五里水槽溝 五里鄭家墩有

龍泉寺 二里老界河當路有佛閣 八里青寺堡 五里

魏家槽子 三里高岑營 五里孫家團莊北卽蓋白灘 五里

南大通驛飯西大通驛在平番西一百二十里有縣丞 五

里唐家營路入溝內 五里黑城子有柳樹 五里南坡頭 五里柳

樹墩 五里高橋墩 三里莊浪滿城乾隆元年建周四里初設副都統後

改城 四里平番縣南關平番驛 一里西關住店計行七十一

里山遠路平官柳成行渠水通流邨堡亦密知縣事益陽

呂子清恕莊浪廳同知甯鄉王竹邨南薰同知舊管漢番貿易茶馬事務

今則有平番縣漢金城郡之允吾以水經注核之當在平番西南湟水南黃河北

名無實接河州北境蘭州府志謂允吾在縣西大令居連城枝

吾枝陽並在泉蘭境誤也浩臺通河旁令居連城枝

陽縣南莊允街桓帝紀注允街音緣皆段穎傳注音鈔階

浪河西今縣西南百餘里大通河湟水合流之東

岸等處五縣地晉廢允吾令居枝陽建興中前涼張寔置

廣武郡縣西南枝領永登縣西合居枝陽隆安初後涼並

置支陽郡允吾郡十六國春秋西秦太初十一年乾北魏

盡廢改枝陽為廣武縣廣武郡治此隋廢郡改廣武縣為

允吾屬武威郡唐復廣武縣屬蘭州後陷吐蕃宋為西夏

所據縣北六十里岔口堡或云夏置洪州西有洪源谷元屬永

昌路明置莊浪衛陝西行都司治此洪武二十六年移駐

辛卯侍行記卷四

五

上八三

甘肅

嘉靖中設莊  
浪兵備道

國初因之雍正二年改平番縣屬涼州府

縣東北松山堡  
蘆塘堡等處明

人謂之新蘆萬厯二十六年築新邊牆自邑東北二百四十里蘆塘承川墩起至古浪大靖堡界一萬九千六百一丈邊外均蒙古舊邊牆自鹹水河北至烏稍嶺三萬六千九百丈築於正德時今多頽廢縣東南一百四十里地名秦王川一名黑川在新舊邊牆之間接皋蘭境向爲鹹地不宜禾稼嘉慶時有老農言鹹地下有石子礮而布之光於上就石隙種麥豐茂倍他處蓋石子居上土不受日光即不成礮且可潛水氣也岡山東萊陽縣亦有此等地苦戈壁中澈底皆石子或有沙無土則植物難生矣縣東一里青龍山一百二十里大松山萬厯中甘肅巡撫田樂破虜於此封松山伯城西三里仁壽山一百四十里炭山二百里碁子山桌子山雍正初叛番據爲巢穴城西北一百二十里馬牙山冬夏積雪一百三十里雷公山一百五十里分水嶺莊浪河出焉古之逆水經城西而南入黃河與水經注異或云今有支渠達湟水惜未能日驗也大通河出青海西北爲烏蘭木倫河古浩疊水也東南流經平

番至巖伯東南李士司享堂峽會湟水以達河蔣氏地理  
今釋以大通河為雍州黑水果爾則湟野合黎皆在界外  
其說非也

平番歧路 附

縣東北七十里平城驛五十里松山驛荒磧不毛多瘴  
無居民弁兵守

汎最五十里寬溝驛皋蘭紅水  
縣丞駐此五十里三眼井驛一百

苦二十里營盤水自此達陝西山西路  
詳九月初五日記平番西南四十里

經大通遠驛六十里塘坊二十里西大通即河  
橋驛渡浩慶

河西行五十里冰溝驛礮  
伯四十里老鴉堡驛五十里礮

伯縣渡湟  
水六十里過大  
峽平戎驛西  
甯七十里經小  
峽西甯府

西北六十里長甯驛五十里大通縣九十里北大通營  
一百二十里永安城一百四十里三角城由城東北六



十五里鸞鳥口踰雪山為涼州境城五十里鎮海堡驛

西北六十里扁都口踰山為山丹境四十里丹噶爾廳西南六十里哈拉庫圖城過此為二

十里哈什哈水五十里巴彥淖爾五十里恰布恰河

東四十里西尼淖爾六十里公噶淖爾六十里牛哥兔

五十里沙拉兔六十里衣麻兔以上均蒙古遊牧五十里登弩

兒特六十里哈隆烏蘇七十里埡列淖爾以上均阿力

七十里埡利布拉六十里必畱兔溝以上端住格六十

里阿隆阿他拉川南各壘番子北達賴喇嘛商上人遊牧七十里瑣力麻

川黃河源南達賴喇嘛六十里噶順阿卜兔永沙豹番

六十里且克淖爾五十里哈麻胡六太蒙古爾津五十

里哈拉河

南年木錯番  
子北星宿海

五十里烏蘭火里一百二十里

喇嘛託洛海

以上別利番子遊  
牧皆在星宿海南

五十里一克白彥哈拉

六十里烏河那峽

以上多洛  
奴圖番子

六十里巴汗白彥喀喇底

六十里哈拉河洛

以上那哈  
學番子

六十里柯柯賽渡水魯烏

素河

乘皮筏

五十里柯柯託爾

以上山  
受番子

六十里大湖灘

由受

百戶爾克

一百里插漢哈達

以上阿爾  
台吉番子

四十里東卜拉

以上皆木魯  
烏素河俗

七十里塞柯奔六十里胡藍你火六十里

多藍巴兔一百十里胡角爾兔

以上格里  
吉番子

九十里因大

木一百二十里一克奴木汗七十里索胡

以上奔  
巴番子

一百

里撥胡沙五十里查汗哈達坡火九十里沙各

以上說  
立站且

功者一百里卻那火六入西藏界以上哈拉烏一百

里班的奔第一百十里奎田希拉以上堪布蒙古六十里巴卜

隆西為天九十里達目以上何又五十里羊阿拉六十

里來頂寺以上達目四十里鐵鎖橋一百里孫冬卜宗四

十里浪唐南浪唐番子東的八十里前藏自西甯至此

共三千五百六十里歇處皆有水無柴以上摘西甯府

志衛藏圖志載西甯至藏共四千一百二十里地名亦多不同

自丹噶爾西行五十里巴燕灘四十里楊家塔爾六十

里巴彥合受五十里哈崙烏什四十里哈立蓋河五十

里吉哈爾格八十里烏哈爾倫青海北岸六十五里才

吉九十里揭爾齊西南八十里布哈河六十里葉兔達

坂八十五里察汗俄爾七十里都藍寺

郡王翰克濟爾  
噶勒遊牧西北

距安西州  
十餘站

六十里塞利克灘九十里端木朶秀八十里

阿倫布拉克一百里阿羅斯五十里土羅斯八十里八

音溝五十里柴達木河五十里爾勒工七十里塔刺弄

八十里諾門罕山前峽一百十里諾門罕山八十里後

峽六十里壯托波浪柯一百十里琉璃湛八十里喀喇

得細九十里梭羅瑪七十里星宿海八十里鄂敦搭拉

八十里宗木通一百里喇嘛託洛海六十里托印喇命

七十里哈喇阿較九十里雜漠七十里兒喇合六十里

波洛倉吉六十五里尼牙木錯土司

渡木魯烏素河三俗呼通天河

十里安圖族沿河東南行八十里拉光達六十里布羣

寺五十五里三祝寺六十里卓唐六十里唐大五十里

屯不大七十里界科卽札武族

西接玉樹南接西藏界

距丹噶爾

三千一百七十里

此丹噶爾冊報

又由丹噶爾廳西北行九十

里楊家灘一百五十里乙開烏藍一百二十里阿隆皆

契

以上青海北岸

一百二十里烏吐

在山間

西行八十里烏孫葉

空一百七十五里光貢喇麻簡二百七十里郭樂可有

南

通玉樹土司路

七十五里淖木工河通

東北有古營盤

八十里聽克里

克二百九十五里跌必特里

西南有赴藏路

四百六十里可克

喇嘛簡北有通救煌路二百四十里光初峽里一百八十里沙

山口西北一百二十里跌里遜以上間有蒙古遊牧以下多無人煙一百

八十五里克里自光貢喇嘛簡至此南北皆有遠山六十里烏宗碩即噶斯池

山勢漸合入新疆界折北二百十五里紅柳溝古卡在山間東有赴

敦煌西北一百四十五里雙石墩一百七十五里阿不

旦即羅布淖爾西南岸始有回民距西甯三千三百三十五

里此今年春新疆候補縣丞蕭然奎所探路也又自阿

不旦北行四百十二里都納里東北九十里浣溪河即海

都河下流六百二十里桑園驛折東三百二十五里吐魯番

十四日自平番縣西北行 五里深溝兒鋪 五里馬厰

溝無人家

五里鋪溝灣

其南爲東坡有邨莊

十里漢屬郎坡下坡

山勢漸合中有小河循右山麓行

十里永濟橋長六七

丈過橋循左山麓行

五里武勝驛居民約二十餘戶

西驛

南四十里亂石窠又三十里紅窠

飯於汎房哈密王沙木

胡索特入覲過此來見有四品頂戴者爲之譯語王謂進

京甚拮据

家君囑以到都時減損應酬各大臣當不因

此介意也午後仍西北行哈密王送於驛西回部諸王至

御前行走班次甚崇在外見地方官不敢抗禮雖非定制

而通行已久

十里伏羌堡有邨無堡

邊牆在河東山上

十里二

十里界牌

仍屬平番並無交界

有土屋數家過此望見右山麓有殘

缺邊牆杳無村落 二里驚窩山墩 十八里岔口驛

居民二十餘戶住行館計行八十里 平番土司多魯姓連

百四十里地南至泉蘭張家灣河州思家臺礮伯之川口

等處長一百五十餘里地西至西甯冰溝口寬十里地北

至鎮羌喜鵲嶺長一百四十里有洛洛城等十三鄉堡十

旗土民雍正元年遷青海上馬爾等番民八族於此歸土

司管轄別有納糧番民華藏上托等十一族貢馬番民羅

家等八族其頭目均經官長為改漢姓屬番千戶約東○

元平章政事脫歡明初率部屬降安置連城二世鞏卜世

傑為莊浪衛百戶永樂初殉阿魯台之難三世什加授都

督同知永樂十二年從征漠北有功賜姓名曰魯賢四世

魯鑑擢延綏左都督以功世襲掌印指揮使

國初歸附仍其世職十五世魯紀助娶額駙阿拉善親王

之女緣此習尚豪奢盛極而衰矣初土司見州縣用稟東

設矮坐魯氏有為總兵副將者自稱治愚弟遠相治不改

然魯鑑之裔頗知文學自非他土司比也又洮州楊土司

始祖夢的明永樂初授指揮僉事元孫望秀改姓名楊洪

十五世楊元同治間助剿回匪有功制府奏請



賞給頭品頂戴光緒三年其子作霖襲職亦以軍功得頭品頂戴日益誇大河州洮岷西甯之間前明土司甚多其小弱者輒割地以鬻於強者承報襲職向有部費貧不能籌遂不請襲日漸式微大半無可稽攷最著者平番魯土司貴而貧洮州楊土司富而強楊所居在卓泥堡并有眾士司兼及四川松潘境隱然千里之國土民或欲諱書應試必多方阻遏之魚肉其民莫敢控告地僻官遠駕馭其艱蓋舊章待土司寬厚而不料土民之困於水火也此志書所不載特詳言之○余因論土司之頑土民之困而歎封建之不能行於中國勢爲之也開闢之初榛榛狉狉有賢者出能懾服醜類而爲之主草昧經綸文物斯啟於是乎有萬國久之而又有賢者出能臣服萬國而爲之主於是乎有天子此卽山分而合之機也是故黃帝監於萬國夏禹塗山之會亦萬國至殷而諸侯三千至周而諸侯千八百至春秋而僅存一百六十五國繼而九國七國至秦而歸於一非始皇之力也當戰國之世生民塗炭雖聖人爲天子亦當廢封建爲郡縣孟子曰不嗜殺人者能一之蓋日賭時艱深望天下之歸於一矣自秦以來中國一統而四裔強族亦并其所近弱國浸浸乎與中國爭長中國不封建而六合之內恆有封建之形大地之變局正未可

知氣數所趨彰往或可察來歟儒者論治平或仍以封建  
立說噫時非唐虞臣非四岳分茅裂土適爲禍階神農之  
世諸侯相伐暴虐百姓神農氏弗能征虞舜爲帝曰分北  
三苗曰竄三苗於三危則千羽之格僅託空言蓋恃強逆  
命非可以恆情比擬否則未舞千羽之前舜豈無德政可  
見乎啟爲禹子而有扈不臣太康爲禹孫而後羿篡竊昭  
王爲武王曾孫而荆楚逞奸已不能討春秋時弑君三十  
六諸侯專殺不可勝數三代以上其弊已甚設一法而必  
賢人君子守之非善策也設一法而中人能守之斯爲善  
策白巖封建人倫骨肉之禍消弭實多謂非理數之自然  
耶

望日寅自岔口北行冰雪而地風利如翦星月之下祇見

亂山萬重邊牆斷續須臾月食滿目陰慘岔口歧路西行十八里石門寺

又十五里青土坡十七里野葱溝二十里藍泥溝二十里  
駱駝山三十里散岔口十五里光草嶺二十里思加羊二  
十五里新河壩三十里捏耳朵十四里安家莊六里折  
四十里沙金溝十五里野狐川

腰溝天始明

四里王家鋪土屋一

三里打柴溝

西北過火

石六里岡子墩

三里得勝堡分駐制兵數人沿途絕少

人煙

九里鎮羌舊堡杳無居人

四里過水

即莊浪河上游

里鎮羌驛土屋數家升坡爲鎮羌遊擊新壩飯於荒店

平番

西北山內迤邐經涼州以南西南之北間有產金之地自  
鎮羌堡南行約八十里果子灘金廠在喜鵲嶺南大果子  
灘長十里寬一二里稍西十里小果子灘皆有豆瓣金又  
西南五十里天堂寺抵大通河濱自鎮羌湖莊浪河源  
西行約五十里馬牙達坂二十里三教洞瀕河河南爲前  
山五族番民河北接武威界爲後山八族番民均屬莊浪  
同知徬河西南十里金羌灘河灘沙中有辦金及抄金長  
約二十里又西十五里小楚瑪抵金羌達坂山東瀾水入  
莊浪山西瀾水入大通踰山西南二十里黑以溝咸豐時  
曾聚礦丁數千三十里楚瑪香卡有楚瑪爾河出武威南  
山塔爾布達坂之左南流百餘里入大通河楚瑪爾產辦  
金其地爲溫殊古寺番族屬西南縣寺西南距西南約三

百里由楚瑪香卡西踰山五十里魚龍灘循大通河南岸  
西北行三十里密輪卡三十里先密寺之南山二十里班  
固寺峽口三十里陰田莊二十里瓜拉莊十里渡河而北  
至北大通營又西北二十里老虎溝北通永昌縣界二十  
里黑石頭三十里白水河四十里永安營營北三十里大  
梁子營南二十里札麻圖皆產沙金寬數里掘井求之用  
木槽於急流淘揀寒瘴侵人歲祇夏秋二季可作工日得  
生金數分或一錢不定或累日烏有不敷養贖者十居五  
六各礦皆爲幽巖雪嶺所隔劣通騎步機器不能運致糧  
食輸自甘涼及湟中驟一匹負麪二百斤每程腳錢四百  
五十文驢一匹負麪一百斤每程腳錢二百二十五文觸  
瘴易斃山深無貨可販馱商不衆往采礦者大率虧蝕作  
輟無七里湘子廟卽烏稍嶺東址洪文卿侍郎中俄界圖  
也自蘭州金城關以來山皆在大路兩旁至此則亂山當  
路恆有風雪三里半界牌墩平番古浪升降陡坡食頃至烏稍  
嶺巔頗寬平鳥稍疑是鳥松轉音十九里半安遠堡居民七八戶皆

顏牆敗垣有都司

西五里曰雷峰山西南三十里可可口舊有黑番兒加洞族住牧堡北三里毛

達坂熟番都刺住牧又

五里油坊臺驛

八里龍溝河

古

浪河之上游自是無南流之水

二里龍溝堡

古

民居三四十家住店計行

九十五里

十六日丑自龍溝北行

五里新墩灣

五里板橋墩

五里黑松驛

舊有市鎮同治初年回亂焚毀堡北里許有碑旌表唐氏九世同居

過此亂流

而北

河廣五六丈石灘三之二登坡入古浪峽南爲松林山北爲鐵樞

山峻坂一綫頑石塞途形勢比潼關函谷

十三州記蒼松南十里有鹿塞

或在此歇堡之東西山紅宛卜白宛卜二番族住牧又東山圍場溝番四族

五里香蘭坡

四

里關王廟墩有塘汛居民二家

三里岔路墩

土屋十餘所其北蹊

徑坎五里新關墩 三里十里鋪南有石壁如門過此後車行潤

上曉石奔流 三里金家灣有峽 七里下坡過橋進古浪開有水磨

縣古浪南門曰永安曰承恩城周二里許 飯於行館知縣事海豐張松

相守棟訓導秦州王舜臣汝賢 古浪漢武威郡蒼松故城在揔次縣今縣西

邊外魏稱且次黃初中涼州刺史張既討盧水胡潛由且次出武威 樸割縣東 三縣地晉改爲

昌松揔次廢樸割東晉時前涼張氏於樸割置魏安郡復

增設昌松郡十六國春秋張天錫之子大豫自秦逃還河西拔昌松郡 後涼呂光改昌

松爲東張掖郡後秦亦曰倉松晉書載記姚興以 北魏爲

昌松郡領溫泉揔次莫口今縣南 三縣兼置魏安郡魏志無見隋志

宇文周省并爲昌松縣改魏安爲白山縣尋廢隋初改昌

松爲永世

元和志作永年

後復故名屬武威郡唐因之大足初涼

州都督郭元振於峽口築和戎城後陷吐蕃宋屬西夏元

設和戎巡檢屬永昌路明改爲古浪築今城屬莊浪衛正

統初設古浪守禦千戶所

嘉隆間套虜竊據東北之扒沙萬歷戊戌巡撫田樂總兵達雲

等克扒沙築大靖城及新邊牆

國初因之雍正二年設古浪縣屬涼州府

縣東南三十里黃羊川有番族

又十餘里南冲寺喇嘛趙札提兼管平番之報恩華藏祝貢天堂等七寺番眾縣東北三十里定甯寨又三十里

土門堡折東南九十里大靖堡迤東達甫夏榆林等處程站詳九月初五日記午後出北門極三

里三里墩軌道入土溝內

五里八里營

有莊堡

二里丁家

牌樓

題義姬淑守

二里小橋鋪得寬地里許北又進溝

三里

嚴家灣

十三里出溝至雙搭堡

堡街強半屬古浪少八半屬武威故曰雙搭

里土阜當道中裂大罅通通一騎

二里花腰墩

五里

大墩

六里頭壩河

四里楊家鋪

二里二壩河

五

里靖邊驛

武威

堡內皆頽垣窰民十餘戶沿途被回匪蹂躪

甚荒涼住行館計行一百有五里

堡西門二重額口大觀在上外委為張義營

分汛張義在堡西南五十里舊稱西黃羊川駐都司營西北三十里峽溝寺有納受索番營西九十里青土峴有札

提加木番營西南一百八十里寬溝通西甯大通界

十七日丑自靖邊西北行過三壩河

三里三壩墩

三

里四壩河

一里七里堡

二里五壩墩

三里張家莊

三里六壩墩小堡四五有渠水知武威縣事歸安陳然



三

三

軒延芬來 二里有小河 六里河東堡堡廢僅土屋十

餘過此行沙灘多石子礙車 七里塘馬墩沙灘無人

十里大河驛堡頽時方已正飯於旅店午後騎行 十里

黑泉堡

卽二十里舖

有小廟無居民

七里十三里舖涼州副

都統德子權協領得厚菴全靜安涼州總鎮順天閃俊臣

殿魁權甘涼道甯鄉丁翹三鸛涼州府甯羌陳春亭才芳

及遊擊以下滿漢馬步各弁勇均逐於郊

長途奔走本是苦事每到郡

邑應酬尤煩苦政程少遲恐答拜不及故開車必須丑寅之間也

路南層峰積雪西達嘉

峪卽祁連也沿途沙灘石子皆山水冲刷所致 八里五

里墩

三里道北有集賢亭

二里涼州東關

武威

一里

迎恩橋進東門

名安定城  
周十二里

一里至大什字南住行館計行

七十二里

涼州府秦爲小月氏漢爲匈奴休屠王地武

帝元狩二年置武威郡元封五年設涼州部刺史察隴西

諸郡東晉懷帝永嘉中張軌爲涼州刺史

傳子實  
及茂

明帝太

甯初前趙封張茂爲涼王

傳駿重華祚  
元觀天錫

號前涼孝武太元

初苻秦滅之旋爲呂光所據號後涼

均都姑臧

安帝元興二年

姚秦滅之時禿髮傳檀自樂都

今礪伯縣

遷姑臧爲南涼後滅

於西秦段業據建康號北涼

新唐志甘州西北一百九十里祁連山北有建康軍按西

北二字誤祁連在州南  
建康在今高臺縣東南

敦煌太守李屬并酒泉稱西涼沮

渠蒙遜弑段業并西涼據張掖後都姑臧亦號北涼是爲

五涼元魏太延五年平北涼太和中置涼州領武安

治宜盛縣

今鎮番縣西南武興

治晏然縣今府西北

武威等十郡西魏廢武安宇文周

廢武興置涼州總管府隋

初廢武威郡大業初廢總管府復郡

唐因之

初置涼州

總管府七年改都督府貞觀初屬隴右道景雲初分

屬河西道天寶初復爲武威郡乾元初復爲涼州

廣德

初陷於吐蕃

大中時吐蕃稍弱首領張義潮以瓜沙十一州來歸而宣懿德微不能曠理僅存虛名而

已五代梁以靈武節度兼領河西然涼每自置將吏後唐

後漢後周間置節度世宗時節度中師厚因夷夏雜處不

能撫而歸涼遂絕於中國宋初仍爲吐蕃部族

有者龍七族六谷諸

豪自置官吏

如西涼府折連葛支西涼府六谷都首領播羅支等見宋史吐蕃傳

朝廷羈縻

之而已

真宗景德中授其首領歸降督爲朔方軍節度以牽制夏人

後爲西夏所取

亦稱

西涼府 元為西涼州屬永昌路元路治在今府北三十里永昌堡明為永昌

涼州鎮番等衛屬陝西行都司

國初因之雍正二年設涼州府乾隆二年於府東北三里

築滿城初駐將軍後改副都統倚郭武威縣漢武威郡姑臧郡治在今府城

東北二里初學記引西河記曰姑臧匈奴故曰張掖在縣蓋藏章懷注寶融傳蓋城城後人音訛名姑臧張掖在南

休屠故城在縣北六十里鸞鳥縣西南章懷注段顯傳四縣地晉并

入姑臧永嘉中前涼分置武興郡治武興縣今縣北及晏然縣今縣

西北七十里元魏改姑臧為林中增設襄城縣並置武興郡晏然

然馬城休屠西魏廢襄城宇文周并入姑臧隋唐因之為州郡

治武德三年分置神鳥縣與姑臧同貞觀初廢神龍元年城理西境別於漢武

威縣城改神龍二年復設嘉麟縣西北七後皆陷廢宋屬

西夏元屬永昌路明洪武九年置涼州衛

國初因之雍正二年改設武威縣為府治城東北二里有

府志謂即潯野誤也禹貢潯野漢地志以武威縣東北休

屠澤當之府志引漢書而不知漢武威縣在今鎮番縣北

非今之武威縣晉省武威入姑臧故括地志云潯野在姑

臧東北也今鎮番人訛呼休屠為白亭海子按禹貢孔傳

潯野地名是不僅休屠一澤矣府東五里狄臺省志府志

均謂宋狄青築按狄青未嘗至涼州也府東北九十里

蔡旗堡又二百里鎮番縣又北一百七十里接阿拉善蒙

古界府南五十里上古城營又西南二百八十里至牛

頭俄博楚瑪爾山接西甯大通界府西南三十里南把

截營南二百七十里雪山口府西南七十里西把截營

又一百六十里庫庫鄂博一百八十里黃城灘順治五

年回匪丁國棟戕官據城東寇蘭州總督孟喬芳討平之

同治初年陝甘回匪蜂起涼州士民將城中回子悉行屠

戮謂之洗回是時甘州等處皆集團洗回眾怒難犯官不

能制無分良莠寬殺無算所異者洗回諸城均幸獲全而  
未經勦洗者後多殘破漢民益信洗回得計然以殺爲事  
有傷天地之和回族繁衍斷非殺戮所能盡仇隙愈深大  
萌愈可慮竊意漢回相讎匪伊朝夕睚眦細故積小成大  
平心論之互有曲直吾願漢民勿藐視回民勿詬爲異種  
以消畛域之見回民如必服膺回教則宜反居默克故鄉  
今既世居土中千餘年衣服語言皆同作夏何妨盡棄舊  
習概從孔孟元史所稱受孔子戒之廉希憲世祖目爲廉  
孟子者非卽畏吾兒人乎又如漢唐時番將向化改姓劉  
李變爲中國人者正復不少果能迷墨歸儒漢回互爲婚  
姻則朋黨無分永享承平矣又按回民卽古回紇實匈奴  
奴別部衰紇之裔後稱韋紇一稱回鶻唐時入居關中回  
教乃摩罕默德教其故國在今亞喇伯其徒美其名曰天  
方唐時其教由西而東回紇多從之役人因呼爲回教其  
實摩罕默德不自知爲回教也彼教不啖豕惡其不潔且  
有礙生育醫經本草多言豕性寒損人是漢人亦以少食  
豕肉爲宜今乃因此詬回民爲豕種亦不察之甚矣彼教  
戒食之物甚多如不飲酒不吸煙亦彼勝於此大學有云  
惡而知其美未可概加斥辱秦漢以前隴右河西原屬戎  
地近世文軌大同華多戎少未始非華人之幸體天地好

生之德自富一視同仁今無識之徒往往自詡華族辱詬異類不知今之華族如金氏劉氏石氏符氏元氏李氏安氏蕭氏趙氏之類其中不少戎種異忍隨聲附和尊己辱人小忿不獨頻釀大禍夫華族亦多盜賊回民有身家者未必盡懷異志偶因窮而劫奪羣目爲反將吏好事從而激之雖良回無以自保余非偏於花門也第念同爲朝廷赤子而累世尋仇何異兄弟鬩牆貽憂父母況憂患有百倍於此者乎張子有云民吾同胞物吾同與度量宏斯嫌怨泯和氣致祥爲秦隴士民馨香祝之 家君答拜各官天已夜復步行往弔李雲章先生之夜李名銘漢續學敦行爲河西名宿其子千鎔亦好學

十月十八日辰發涼州行館 二里出西門過永安橋滿

漢文武諸官送於郊

十里十里鋪無人家

西南十五里爲中截堡

二里郭家鋪土屋四五過此行砂磧甚寬

八里二十里

鋪土屋七八

南里許有王家寨

五里二十五里鋪

告示書鋪戶十

餘 五里三十里鋪土屋四五 十里四十里鋪卽永懷

渠甘涼鄉間多稱某渠某壩猶吾鄉之稱某圩也飯於無

盡廟 五里酸酒店 墩題雲字里數與縣志不合皆由訛  
升任意改作按墩計里不盡符也

五里懷安驛 東有汛墩題金字稍西有奔浪堡壁  
宇多破又西里許踰溝爲奔浪墩 三里過

小水 三里律字墩 又有  
小河 迤西拳石觸輪 四里昌隆堡

廢 十里豐樂堡 武  
威 居民百家住行館計行七十二里皆

砂磧磣磧如卵如拳下午石子更大車播甚

十九日丑由豐樂堡西行 五里沙灘堡 五里大墩

五里石磧中有墩名千致 五里柔遠驛卽沙河堡堡廢

民房十塌七八 三里 多亂  
石 永昌界牌 三里九壩墩



四里八壩墩西即清溪堡永昌民居三十餘戶體於旅店

三里越一渠 二里樂豐腰墩 五里樂豐鋪渠貫街東途多亂石

二里半有渠向北堡寨相望 二里半七壩墩 二里兩

渠橫道 二里六壩有小河河東一里宣德堡小寨五里

五壩中踰二溝五里通津堡即三十里鋪五里真景腰墩 五里真

景寨大堡一小堡二無人五里十五里墩石子橋車五里十里墩平廣一名東岡

有田畦莊堡五里東五里墩叢冢所在五里永昌縣東關永昌驛進東

門日拱翠城周七里奇二里住雲川書院計行九十二里多砂磧

永昌協副將江西陳梅賓金凱知縣事閩縣劉星曹年丈

亭柱 永昌漢武威郡之鸞鳥故城在今治南上房寨張掖郡之驪

軒治西南二十里者來寨番和番音盤卽今治或云縣西二十里顯美東一里等縣

地後漢以顯美屬武威晉廢鸞鳥餘三縣均屬武威永泰

中前涼增置焉支縣治西七十里高古城屬武興郡後涼昌光置番

禾郡北魏爲番和郡領彰疑卽郡治燕支二縣僅一百三十戶又

有顯美力乾卽驪等縣不知屬何郡魏志無見隋志北周廢番和

郡及顯美隋并省彰燕支力乾爲番和縣屬武威郡唐曰

番禾屬涼州咸亨初置雄州調露元年廢州開元中增置

大斗軍西南三十五里搭兒灣天寶三年改番禾爲天寶縣後陷吐

蕃宋屬西夏元設永昌路立永昌王明改永昌衛治金山屬陝

西行都司



三十里唐家沙溝

山曰摩天嶺

十里黑溝口五十里黃城灘

元永昌王牧地有避暑宮蒙古語稱幹耳朶城前明正德中築堡屯兵明季堡廢康熙中爲青海蒙古麥力幹

部族所佔雍正初平青海黃城始無遮帳今爲族緣各營馬廠地當祁連山中豁然開朗東西袤百餘里南北

廣數折西南二十里東水關六十里酸茨河源東北由班至涼州二百八十里別由塔爾嶺東經夏卽一顆樹

只牙壑旂杆溝等處至古浪三百五十里

口仄徑懸崖劣通騎步一百里過老虎溝至北大通營

城縣西南七十里新城營都司營西北二十里高古城營東南九十里柏樹溝

營南七十里臘兒都口營西南七十里平羌口均南踰山接大通界縣西七十里高古城

營千總營西北枕大黃山其東南鸞鳥口南五龍池口均距營一百二十里入口皆達西甯之永安城界營

西三十里大阿博接甘州之大馬營界

二十日卯發永昌 半里出西門 內曰虎踞 外曰鎮西 拳石冰塊徧

地碌礫夏秋南山融雪引以灌田今皆凍矣 城南百里外 山峰綿亘隨

在異名皆祁連也冰雪深積春後漸融萬壑傾注迤邐成 河分引多渠灌田萬頃天下水源資雪者十有六七北史

崔浩謂雪液裁能斂塵何得通渠灌漑此真 一孔之見當時君臣皆稱許之殊可笑也 五里西五里

墩 五里十里鋪 通北有 陳家寨 頑石益多車行甚苦道旁有殘

柳 五里牛王宮 五里水磨閣 明設關為大黃 山番民互市所 舊有市

集回亂後存十餘家 一里水磨河 出縣西南一百六十 里鸞鳥山一名雲川

東北流二百里 諸為昌甯湖 三里紅廟鋪 三里過一渠 一里卜喇

灣 升降 二里崇岡塘 五里橋兒墩 五里金川坡 一名 三道

溝晉之金 西行荒磧 有衰草黃色俗名 五里空心烽墩下 呂城地也

繞短垣爲障前十餘丈豐碑屹立題張將軍戰勝處按萬曆中

都督同知榆林張臣鎮下坡行沙山間五里王秀堡破

甘肅破卜失兔於水泉

屋七八家十里水泉驛永昌無泉汲井居民四十餘家有

守備住店計行六十里半堡周一里八分七釐多圯堡南經焉支山茄連達坂二十里至高古城堡西南三十里石城達坂接大馬營界

二十一日小雪自水泉西行砂磧五里西五里墩十

里十五里口塘無居人有汛房一汛兵五人遇顯官過境來此接送平時往他處

執別南山忽低中有蹊徑斜對北山之青羊口出口五里循邊牆西行達肅州北境

業古城湟丹無人煙漢日勒縣也路北有大墩南山上十里

定羌廟廢堡倚邊牆牆有門洞上題神功永賴乾隆十九年西甯道朱某書居民十

餘戶駐把總康熙四年王忠勇進寶時為提破海寇於此

先是海虜懷阿爾賴等率所部徙近南山交通北漠至是

屯定羌廟官兵阻之踰月不決虜驕不設備一日對陣譯

語有誤發火器者虜馬驚而南北兩山至此漸近十二

里邊牆上有高墩道南有草地三里外南望大黃山積雪

萬仞即焉支山又名青松亦祁連之二里山丹峽邊牆自

山岡蜿蜒而上半已頽廢電杆亦踰嶺而過車路折西北

入峽亂山圍抱頑石崢嶸五里峽口驛城形長方周三

八九十家人少不足守陣同治初為回匪所陷難民聚守

襄城中幸賊退得免亂後城垣未葺近城乏水草城內掘

井十餘丈無水此絕地也峽口東南五十里石城墩接高

古營界口西南三十里老軍寨又五十里大馬營在大草

灘城北垣屬於邊牆七里八里墩八里豐城鋪土屋

十餘 十里王城鋪俗稱老翁廟其南有堡無人堡外土屋二

三有汛弁 八里新添墩 七里新河驛山土民出接住

行館計行九十里堡周三里額壞民居二三十戶有把總驛東武廟有道光九年所立碑謂邊外

六十里仍准漢民牧牲六十里以外為蒙古境 堡南歧路四十里花寨三十里大馬營 堡北距邊牆五里

二十二日卯出新河西門左右有大湧池十里居安寨車經神樓下路北連

堡三 五里廿五里墩大墩下有五里二十里鋪十餘家障邊牆半完

有無量祖師又名永興鋪十里十里鋪有邨有墩南數廟北有莊

亂時 三里下坡緊靠邊牆殘缺二里行山丹河灘中漲時及

邊牆 五里進山丹縣東南關山丹半里進南門居民有食驛接者

於行館城周七里城內渠水暢流西北僅見者也知縣事善化王荻邨榮綬



山丹漢張掖郡之刪丹在今治南一百二十里馬營墩燕

因氏池西南一百六屋蘭西日勒後漢梁慄傳注在刪丹

名氏池十里洪水城北日勒東南府志今峽口東南

古城四縣地獻帝時於日勒分置西郡晉西郡領日勒刪

丹仙提城東萬歲蘭池疑即氏前涼置祁連郡縣志在西

十里永固城南山下省志北涼改日勒為永甯縣又置金

在張掖洪水堡南三十里

山郡西南一百十里洪水河之南番地十六國春秋北魏

為山丹及西郡永甯地西魏廢郡改永甯為弱水屬甘州

北周省入山丹又分置金山縣尋廢均見隋志隋復曰刪丹屬

張掖郡唐因之後陷吐蕃五代為回鶻據宋屬西夏置甘

肅軍元為山丹州明改山丹衛

國初因之雍正二年改山丹縣屬甘州府

山丹歧路

縣北三里邊牆東北一百二十里玉泉墩縣西北三十里龍首山均接蒙古界縣南稍偏東南三十里魏機寨又十里暖泉堡二十里花寨子三十里大馬營扼大草灘之中前明築城周二里明末爲海虜所佔康熙元年設大馬營守備而刁爾吉懷阿爾賴之部並牧於斯因貢使請割地廷議不決洪水參將王進寶持不可乃止十三年滇黔告變蒙古乘隙內犯雖經達賴喇嘛諭止之而蹏大草灘及黃城灘如故也三十三年改設遊擊雍正初討平青海覬覦始絕今爲提標驍馬之所而蒙番間亦出入焉營西北距黑城營三十里距永固七十里距甘州二百三十里東距高古城六十里營之要隘東南九十里白石崖口入山又南一百里臥牛河營縣南三十里八十里後所口並崎嶇接永安大通界

里新開壩又五十里黑城營

亦瀕大草灘明嘉靖中築

隆時改都司今駐經制外委西北距永固四十

又西南

里距甘州二百里營南要隘七十

香溝口又西南二十里馬營墩舊名馬家墩城周一里當祁連北麓苦

寒康熙十年設守備雍正十一年改都司道光二年裁今駐把總西北距永固二十里其要隘

東南三十里扁都口西南十五里義得渠口二十里黃

冰溝東南三十里扁都口貫祁連之中盛夏積雪當春

口經深淵湍急石多夏秋騎步均艱嚴冬墮指裂膚南達

湟中求捷者不憚冒險即古之大斗拔谷陷燭西巡經

此凍死士卒大半明萬曆中經略鄭洛討青海六十

里會甘肅之師出扁都口旁有巨碑剝落不可識

察漢俄博營為西甯大通縣地原屬西甯鎮永安營道

光二年設都司改屬甘肅永固協山深地

寒不能耕稼惟產煤城周二里二分東西南三門上性

疏散時築時見額兵二百外無居民轉糧甚難西北距

永固一百一十里自扁都口東南五里朝面莊又南十

五里二道溝二十里羊胸子二十里察罕俄博營城正

南十五里大紅溝東南五十里縣西南四十里土關堡  
景陽嶺營西達野馬川八寶山

折南二十里童亮寨又西南三十里洪水營在大草灘西明嘉靖

年巡撫唐澤築堡設防明季海虜披猖國朝順治

五年以遊擊張勇有威名擢署甘肅總兵勇不能制許

蒙古通市於洪水名爲得皮馬之利青海各點酋黃緣

踵至舊設烽候積壘多被毀傷掠取民間馬羊雞環大

草灘多屯土馬莫之誰何而人皆忌諱謂爲相安無事

云康熙八年改洪水遊擊爲參將十一年仍改設遊擊

西北距甘州一百四十里西距南古城營七十里其要

隘營東南三十里黃冰溝營南三十里西水關踰祁連

又西南一百里八寶山之青羊溝營西南四十里虎喇

河口又西南通巴絲墩川古佛寺營屬黃草溝有唐烏

忒黑番一族今頭目名岡折東南二十里永固營順治

棟札什男女九十五口八年

築城周四里康熙八年設守備十一年改設副將凡甘

州城守營山丹營西至撫彝東至峽口各營皆隸焉其

要隘東南五十里香溝口

自察漢俄博營東南五十里景陽嶺一名金羊又二十里獅

子崖西甯志有詩云兩崖怪石多中挂二十里沙金城

遺址負山臨二十里永安營舊為青海蒙部北境雍正

河不知所始遊擊今城半圯常祁連之南雪峰環峙五穀不生有制

兵二百人回鶻居半城外絕無村落惟正東六十里寫

溝有青海左翼角昂札薩克台吉遊牧蒙古二十餘戶

大通河出景陽嶺逕城南而東勝注謂浩靈河出西塞

外逕西平之鮮谷塞尉城南蓋是地矣城南三十里黑

溝口其西南三十里多羅達坂一名雙低博通青海其

西北四十里二道溝一名柏樹峽正北五十里疏磯東

溝即古覆袁山通永昌之上房寨及甘州之大馬營東

北四十里白水河出北山南流東三十里黑石頭有柏

吉番族屬阿二十里老河溝南口今訛稱老虎溝出永

里克千戶

通二十里北大通營故青海蒙地雍正二年年羹堯奏

請駐總兵旋設大通衛隸西甯府

三年築大通城周六里十三年改設副將乾隆九年徙  
衛於通南之白塔城稱舊衛為北大通今駐遊擊北阻  
祁連南襟浩靈六月飛霜四時皆瘴祇產青稞仰穀於  
甘州漢少回多習俗強悍兼賴金遊牧收獵為生北  
有雷展溝驢馬溝曲折為道約營東四里大沙溝又一  
二百餘里通涼州之西把截堡  
里小沙溝均南流入大通河五里那楞莊三里牙壑七里漢白  
五里黃田五里官莊五里俄博溝莊五里尕莊五里孔  
家莊以上每莊均有山謂南流入大通河河南為瓜三  
十里仙密寺七十里他拉山即塔爾達坂或稱陀羅山  
徑險遠極陰多雹約五十里黑溝口又三十里龍潭口  
三十里響水三十里土塔五十里西把截堡他拉河至  
此出山析為永懷渠三十里戛只牙壑自壑東行經馬  
說涼州城西諸堡  
鎮羌驛自壑東北經雞冠山至古浪之安遠驛自察北  
行經寬溝至武威之張義堡各一百二三十里自壑東

南至祝貢寺六十里

自北大通南行

渡大通河

十里頭塘二十里雪達坂卽接三

十里張家寺三十里大通縣

舊屬青海名毛百勝雍正三年築白塔城周三里一

分設參將十三年改設都司乾隆九年徙大通衛於此二十六年改爲大通縣東南至西甯府一百一十里

張掖酒泉二郡之南山曰祁連又南有山曰八寶互若

重垣中劈一徑直張掖南者曰野馬川長數百里直西

泉南者曰野牛溝亦長數百里雪峰相銜緣源成蹊故

以水名自永安營而西十五里土坡

青海右翼盟長畢爾根郡王棍布拉

布坦所部牧此壘爾根者蓋明季海嵐麥力幹之部詢其姓氏世系多不自知爲貧所迫開或踰關如順治初甘州叛回米喇印之餘黨竄匿於彼其後名賦毛達子實叛回之種也雍正初羅卜藏丹津反壘爾根亦從逆

聞近日大通有回酋認黑爾根王為義父可以知其概矣又西十五里測爾瓦三十

里紅溝爾八十里三角城或云元代所築青海右翼札

克族千戶得立蓋在三角城野馬川等處遊牧此番族舊牧河南道光時私渡河北用兵逐之迫成同間復有

者游渡二十里伊斯們沁此為野馬川舊金廠乾隆三十

奸總督那彥成奏明封禁三十里踰青羊溝南注八至八寶河野馬

川之別名也東出景陽嶺西流有上黑溝駱駝水黑泉

水出南山北流注之河西南直牛心山為八寶山之正峰其東草

有平地數里惜多徑折西北過拉東河柏林溝均南注

冰雪未易關治河南山有洞素水札馬什蓋約一百里至巴絲墩川古

水油胡盧水均北入八寶河約一百里至巴絲墩川古

佛寺直南古營之南在山峽內明初築西南有黑河名一



野牛溝出高臺南山鐵里達坂挾左右諸山彌東北流至此會入賓河折西北經梨園營東南番地入喀羅口

又北入甘州西南寺西約一百里至喀羅口外黃達子

鴛落峽為張掖河黃番八箇家牧地舊有金礦北距梨園營約二百里又一百里野牛溝谷中平

峽寬數里水一百里黑河腦腦者水源也其西北九十里

草皆足越擺浪河至高臺縣約二百餘里自西北經紅水壩黃草壩清水堡至肅州約三日程一百里鐵

里達坂七十里鐵里甘溝七十里討來川腦北距清水

堡約一百六十里西北距金七十里白水河西北由黑達坂至嘉

佛寺二百餘里由蘇賴河上游至玉門南不必叩關可越玉門矣祁連

山之昌馬爾均六日程間道東起湟中西達塞外南通星海其北祇踰一嶺即

能撥四郡堂與蹊徑百數防不勝防然未可諉於難而

漠不加察郡邑志疏略無可稽茲皆詢之老兵得諸蒙  
番及回鶻之獵者道里未盡徵實而形勢粗可見也此  
夷險參半東西傍川行多夷南北緣澗行多險夷者可  
方執險者難通駒徒步不濟甚而劄伏冰嶺陡滑人馬  
僵仆獵人割犀牛皮帶毛者爲履歐洲人東遊者惟險  
是探搜獵蒙石繩索相維非所躬歷不筆之書若余之  
徒資耳食視之滋愧矣

午後出山丹南門經西南關過山丹河卽弱水之東原山  
河有三原一曰甘泉子水出縣東南八十里焉支山西北  
峽口堡之南西北流六十里過猩猩寨又二十里至縣城  
西南爲山丹河一曰大馬營水出縣東南九十里大馬營  
西大黃山麓楊家邨諸泉西北流過花寨子范家營至縣  
南入山丹河一曰永固營水出縣南一百二十里永固城  
東南雪山內北流三十餘里過西山堡折西北三十餘里  
過侯家寨又二十餘里出蒲家寨任家寨之閒又四十餘  
里至南草湖東入山丹河河經城西橋西流經東樂城北

又西五十里至太平堡南左右皆沙磧有洪水出金山西北流來會山丹河又西北五十里至甘州北靖安堡南入張掖河而十里大佛寺寺在獅山一名石嘴岩大佛負山弱水始大面東高十三丈覆屋七層登最上層共一百五十餘級始見佛頂蓋大於正定邠州兩佛矣佛創為清淨之說其流弊愚情無識五印度佛國盡為英人所據佛來東土其有疚心乎寺保明正統時太監王貴等建萬厯初巡撫侯東萊重修同治初回匪焚毀近年重建邊地民窮集此巨山丹河屈經其東北距寺前數里土貲作為無益惜哉

人又稱清泉河有部曰清泉堡三里經石嘴巖上有亭榭涉山丹

河西北行二里祁家店俗稱十五里店子有渠水樹木鋪戶七

八兩旁有小堡二里石嘴子小郭數處南有二里道北一

堡南有半里靜安堡半里二十里鋪居民三四十戶

五里路南有小堡一里半大橋寨四隅有小樓凸出附近居民五六十戶

半里過橋河西屬三里大墩廟望見路北方堡有三樓一

式胡盧二里十里墩下有小二里樂定堡三里五里墩郵

廢五里溝過土東樂城土民來接進東門城周二里半任行館計

行八十二里半東樂縣丞乾隆八年設分領十四堡錢糧

而大事受成於張掖東樂南四十里六廟折東南五十里

折東南一百六十里官樹密九十里察罕俄博營自官樹

窩向西九十里八寶山古佛寺東樂西南九十里南古

營明置城周二里順治初設守備其要隘營東南二十里

大都麻有唐烏武黃番一旅營東南三十里小都麻營西

南三十里酥油口三十五里小野兒四十里大野兒五十

里正南溝口六十里小尾麻龍口自酥油口南行四十里

槎芽灘又四十里青牛蹄四十里百福臺四十里古佛寺

洪水即紅水出洪水營南金山亦祁連山也西北流七

十里受虎喇水又十餘里受小都麻水大都麻水又二十

里受馬蹄水又二十里至新溝堡折北三十里至張掖太

平堡南入或謂漢之祁連卽西域天山前涼張氏置祁連山丹河

郡於張掖於是甘州南山始稱祁連保廉按史記匈奴傳

驃騎將軍出隴西北地攻祁連山衛將軍傳過小月氏攻

祁連山前漢書霍去病傳遂臻小月氏攻祁連山揚武平

獫得小月氏獫得皆張掖地祁連實張掖山去病攻祁連

在元狩二年春時張掖尙屬匈奴是年秋昆邪王降始置

酒泉武威二郡元鼎六年增置張掖敦煌斷匈奴右臂於

是漢兵得深入西北天漢二年貳師將軍出酒泉擊右賢

王於天山史記匈奴傳正義云在伊州此後征和三年西域傳作四年重合侯

馬通匈奴傳作莽通出酒泉至天山因降車師漢書武帝紀後漢明帝

十六年竇固破呼衍王於天山留兵屯伊吾盧利帝永元

中南單于求滅北庭輕兵兩道襲之右部從匈奴河水西

繞天山南

後漢書南匈奴傳

是漢時於張掖山專稱祁連而伊吾

車師之天山未嘗目爲祁連也史記大宛傳始月氏居敦

煌祁連間正義曰初居敦煌以東祁連山西祁連在甘州

西南又按霍去病擊匈奴先過焉支乃攻祁連太平御覽

引西河舊事曰祁連山在張掖酒泉二界焉支山在刪丹

縣東西百餘里宜畜匈奴歌云亡我祁連山使我六畜不

蕃息失我焉支山使我婦女無顏色

史記匈奴傳索隱蓋正義並引之小異

蓋因漢武於張掖開置郡縣故惜而歌之若伊吾北之天山

終漢世未嘗全屬於漢安得謂祁連卽西域天山乎自顏  
師古注武帝紀云天山卽祁連匈奴謂天爲祁連於是唐  
人注天山則曰卽祁連注祁連則曰卽天山所據者師古  
謂天爲祁連一語耳按班固匈奴傳匈奴謂天爲撐犁  
嘗曰祁連然自有小顏之說而張掖之祁連與西域之天  
山其名遂互稱矣徐松西域傳補注以漢時天山專屬喀喇沙爾之博羅圖山亦好奇之過漢書匈奴傳驃騎將軍出隴西過焉耆山史記作焉支正義謂剛丹縣之焉支山而徐氏妄斷爲焉耆國之山新唐地志西州西南百二十里至天山謂西州所屬之天山縣也而徐氏誤以爲指天山若天山在西州之西南則唐志交河縣下何又言北有天山乎不意星伯鹵莽如此

二十三日丑由東樂西行 一里下坡入土溝內 三里

出溝行沙漠 六里山陽鋪張掖有墩無鋪 十里架子墩

有廿餘家距北山十里 行草灘 二里逍遙墩 一里過水 二里

土阜累累如廢垣 二里仁壽驛即古城子城內外漢屋百餘家

蘭縣也食於行館知張掖縣事上海劉讓木至順來 十

里蘇灘堡北通大盤道口 五里馬蓮井墩沙漠 七里

二十里鋪兩旁村落較多有沙聚其北為東山口邊牆止此迤西皆山曰人宗口

曰寺兒口曰魔王山皆合黎也距城四十里山西南有明沙堡又接邊牆 五里四角墩 七里

青龍鋪 八里甘州府東關甘泉驛 有坊題邊關鎖鑰 甘肅提督

甯鄉周渭臣達武知府事湖南桃源燕舜卿起烈中營城  
守營兩參將前左右三遊擊及楚軍統領各率弁勇出接



二里入南門城周十一里王府街住行館計行七十二

里 甘州府秦月氏國漢文帝時為匈奴所滅後為右部

昆邪王地

趙充國傳征和中先零豪通使匈奴匈奴使人至小月氏告諸羌曰漢貳師將十餘萬人降匈奴

奴張掖酒泉本我地可其擊居之

武帝元鼎六年分武威地置張掖郡地志

作太初元年誤此從孝武紀

兼置張掖屬國都尉領候官等城候官或云在府

北後漢附居延屬國都尉治居延

居延縣居延海有辯見後獻帝時於

居延置西海郡於日勒

今山丹地

置西郡晉亦三郡並置前涼

張元觀增祁連郡

山丹

張天錫增臨松郡

府南一百里南古城

隆安

中北涼沮渠蒙遜始都此並置張掖西郡

府東

祁連

臨松臨池

即晉之臨澤漢之昭武今撫彝東北地

金山

山丹

七郡北魏為張

掖軍孝文改郡

見舊唐志

並置西郡

北魏涼州有臨杜郡即臨松之誤太平御覽後魏太

和中置臨松郡故城在臨松山下

西魏改西涼州尋改甘州

見隋書

北周復

張掖郡隋唐並曰甘州張掖郡

元和志天寶初於甘州東北十餘里置甯寇軍在居

延水兩儀中舊新二唐志均謂在東北千里舊唐鐵勒傳則天時突厥漸并鐵勒諸部迴紇契苾思結渾部徙於甘

涼後陷吐蕃五代屬回鶻

唐特勒之種唐以女妻之後代猶呼中國為舅詔書亦呼為甥

宋仁宗封其酋曰外甥可汗後并於西夏設宣化府鎮夷

郡元設甘肅行省治甘州路明置甘州衛

洪武二十五年封肅王模於甘

州建文元年乞內徙於蘭州

陝西行都司都指揮使治此

洪武二十六年自莊浪徙

此領衛十二守禦所四

正統中設甘肅巡撫

成化中設分巡西甯道駐

甘州

國初因之順治十五年移巡撫駐涼州康熙二年移總兵駐涼州始設甘肅

提督改西甯道為甘山道乾隆九年裁改肅州道為甘肅道三十七年更名安肅道改涼莊道為甘涼道駐涼州

雍正三年罷行都司設甘州府領張掖山丹高臺肅州乾隆十年割高臺隸肅州

五年分張掖置撫彝張掖縣倚郭漢張掖郡饒得帝紀注

故城在今張掖縣西北昭武府西北屋蘭壽驛三縣地晉改饒得

為永平改昭武為臨澤前涼增臨松郡府南金澤縣南北涼

並置張掖西安府東南十六里春秋段業置臨松臨池即臨地等郡北魏

為永平臨松二縣北周為永平張掖郡治隋開皇改曰酒泉大

業初改為張掖縣唐因之後迭為吐蕃回鶻西夏所據元

設甘州路明改甘州左右中前後五衛

國初因之雍正三年設張掖縣城內西南隅宏仁寺俗名

年明永樂九年賜名寶覺橫九間縱七間大佛偃臥佛首

占尾一間志稱康熙十七年賜名宏仁按明通政使穆來

輔有重修宏仁寺碑記則賜名之說僧人妄言修志者妄

聽之耳城外西北隅新建西王母宮其壯麗按山海經

所言西王母豹尾虎齒同猛獸或猶中國稱龍顏螭首

之類形容過當耳爾雅竹書大戴禮淮南子諸說西王母

明是荒服之國疑在流沙西和闐莎車產玉諸山間故有

玉琯之獻穆天子傳自崑崙邱至西王母三千三百里張

守節所謂阿耨達山南女國去于闐二千七百里者也史

記謂西王母在條支則非穆天子檄迹所能到蓋西裔本

多女主秦漢方士以左道惑君妄稱西王母為神仙耳食

者聞遠人述及女主之國輒指為西王母方向遠近牴牾

不合要之西王母者猶唐之東女西女元之八百媳婦為

番夷部落之名耳乃據為美女令唐虞時之番酋被後代

后妃服飾官斯土者以建王母廟為急務釀錢於民多所

擾累亦不學無術矣王母釋伽皆西人中國人人心慕西人

已數千年人之所欲天必從之至今日而西人益

得志於東方雖甘州之僻遠城內亦有耶穌教堂

二十四日在甘州 漢張掖郡之居延縣世皆謂在甘州西北千五百里亦集乃地蓋據元史亦集乃路有居延故城之說也竊嘗疑之漢武闢河西自姑臧至敦煌僅一千八百餘里已設四郡三十餘縣張掖一郡何以有千餘里外之屬縣況張掖之北爲匈奴溫禺駱王地成帝時王根使人求之不得漢武闢境未踰合黎山所得焉支祁連匈奴已累歲來爭詎能設縣於更北千數百里之亦集乃乎可疑一史記匈奴傳驃騎將軍過居延索隱引韋昭曰張掖縣衛將軍傳踰居延遂過小月氏攻祁連山漢書霍去病傳濟居延遂臻小月氏攻祁連山揚武平獫狁鄭氏曰獫狁得張

掖縣師古曰非也。縣得匈奴地而張掖縣轉取其名耳。余按師古之言誤去病至縣得本傳在元狩三年武帝紀在二年時未有張掖郡則縣得爲匈奴地後設郡則縣得爲張掖屬縣並非二地。郡說是也。按小月氏縣得祁連皆張掖地。尋釋史漢原文居延縣應在張掖郡城東。若謂在亦集乃則漢兵豈深入西北繞向東南乎可疑。二亦集乃卽今額濟納當甘州西北肅州正北使居延縣在彼實足屏蔽張掖酒泉二郡。乃太初三年路博德築居延。武帝紀無澤字是年匈奴卽入張掖酒泉可知居延塞不在郡西北路博德終身屯居延漢武用法嚴峻儻所屯爲二郡門戶而縱寇深入有不罹法網者乎可疑。三地理志縣得有羌谷水東北至居延武帝紀注云居延匈奴地

名張掖之居延縣以安置所獲居延人而置據此則匈奴  
有居延地漢創居延縣二者本別後漢書明帝紀注居延  
縣在今張掖東北更爲確證甘州府志山丹西北二十五  
里龍頭山北有居延古城蓋卽路博德所築也後漢匈奴  
衰弱安帝置居延屬國別領一城此時始擴地於合黎山  
北獻帝建安末曹操立西海郡晉及前涼後涼相繼因之設居延縣於  
彼是前漢居延縣及塞距邊牆不遠後漢居延縣則在亦  
集乃論者混以爲一無惑乎稽古之多淆也甘州志藝文  
有王學潛居延辯攷核未精且妄改古書漢書謂蘇武牧羝北海輒改爲  
居延海特作此以正之以上辨漢又有居延澤或稱居延  
之類

海世亦據元史以亦集乃海當之按此海甘肅通志稱爲  
哈班句哈巴兒句塔喇失三海子康熙時

內府輿圖題爲索博鄂謨索科鄂謨近人輿圖直書爲居  
延海按漢書地理志居延縣下云居延澤在東北古文以  
爲流沙晉書地志居延縣澤在東南尙書所謂流沙此二  
說方向不同元和志居延海在張掖東北一百六十里舊  
唐書居延海在刪丹縣界新唐書刪丹合黎峽口東北千  
里甯寇軍又東北有居延海此三說遠近不同然皆不指  
張掖西北亦集乃也史記匈奴傳築居延澤上正義引括  
地志云張掖東北一千五百三十里李將軍傳過居延正



義引括地志云居延海在張掖東北六十四里此一書所言自相支離然仍不指張掖西北也史記餘波入於流沙索隱引廣志曰流沙在玉門關外有居延澤此謂澤在玉門西則在亦集乃西南千餘里矣諸說紛紛反覆推求始恍然於匈奴之居延甚廣凡居延地內聚水處皆曰海故諸書不以居延海專屬一處證之兩漢志晉地志康成書注見史記集解均以居延解流沙是流沙亦稱居延而河西四郡北境與匈奴毘連處皆居延地觀索隱引廣志及新唐書所言兩居延東西相距約三千里可以悟矣塞外得水爲海

史記大宛傳索隱引太康地記語

今新疆蒙古青海諸族於水之不

甚大者多以海名古之居延當不一其海

姑臧縣南山谷水北至武威入

海蒼松縣松陝水北至揭次入海可想海之多矣

漢地志獫狁得縣羌谷水東北至

居延入海不曰入居延海而曰至居延入海明此海亦在

居延而非卽下文居延澤也因此又疑漢之居延似卽禹

貢豬野孔傳以豬野爲地名蓋其地甚大澤亦不一故禹

於雍州之末詳所致功若鎮番之休屠僅豬野中一澤

水經

注西海東海通稱都野不以豬野專屬休屠也後人取以概豬野區區小水禹何

必侈陳於篇乎豬野聲轉爲居延今鎮番東北有魚海魚

字又居延二字合爲一音邊塞地名多音近字殊如元亦

集乃路今呼爲額濟納明賀蘭山蒙古今呼爲阿拉善知

此則何疑於豬野之爲居延要之河西四郡邊外皆得謂之豬野謂之居延其潞水處皆得謂之豬野澤謂之居延

海猶今北徼所謂瀚海隨處有之否則諸書所言居延澤

何方向遠近不同若是其多耶以上論匈奴居延卽豬野甘州少雨恃

祁連積雪以潤田疇蓋山木陰森雪不驟化夏日漸融流

入弱水引爲五十二渠利至溥也去年設立電線某大員

代辦杆木遣兵刊伐摧殘太甚無以蔭雪稍暖遽消卽虞

泛溢入夏乏雨又慮旱暵怨咨之聲徹於四境竊意電木

所需無多酌量刊用或購諸木商略費公款無損於民乃

以節鉞重臣任馴賈之職地方土木之工向由某大員包辦并大逾合抱

者多遭斬刈山徑崎嶇不能扛運須乘水發時沖出大半  
折壞或被番民截以爲炭百年菁華萬民生計漫不顧惜  
能勿傷哉設電原屬不得已之舉司其事者當體念民情  
令改從華裝計不出此復倚勢妄爲處處駭人耳目或問  
以瓶中有怪亦漫應之鄉曲愚民其不因疑肇事者幾希  
電局誠有小利然不明電學之局員冗食不少縱有所贏  
僅利入股之巨室安能利國仕途之弊以行同商賈也今  
電局本商賈之事又弊於官樣藐視商人阻難需索大乖  
設電本意至於邊事軍情瞬息千變非身歷其境未易遙  
斷參以遠電轉多掣肘惟部胥擅騙俗吏夤緣密電潛通  
最爲便捷外省有  
特簡總兵等官與部中無干而猾胥勾通電局遲發關抄  
先電達新授之官捏稱代爲謀幹誑騙鉅金武官深恐結  
怨借貸行賄履任後勢必以侵蝕爲急伏莽因而生心禍  
延大局此等犯法之電明目張膽爲之無忌憚極矣外洋  
以電綫爲大利我則如此電之咎幾人之咎歟是故同治  
人心不端雖有富强之術百舉百損電線其一端耳

時甘州募土勇防回匪於釐金之外加半稅以助軍食謂  
之抽幫厥後土勇散遣抽幫未絕光緒十年制府與學使  
者於城內創設河西講舍移抽幫爲膏火所肆皆詞章無  
用之學病商悅士得不償失湘中舉人某少年以能詩見  
知於提帥擁皋比於河西尤爲可哂提帥舍其閫職孳孳  
爲詩復以蝕饒所餘噢咻遊士用沽聲譽軍政廢弛已在  
無形之中此等事世俗嘖嘖頌美者也噫甘州府志搜羅逸事頗富而元  
順帝生於甘州僧寺獨未附載按宋少帝趙焜降元時方  
六歲封瀛國公向公主其後有誦誅之者公主以告瀛國  
乃請爲僧易名合尊至元二十五年學佛法於吐蕃年一  
十八後奉詔居甘州山寺有趙王者憐公贈以回回女子  
延祐七年庚申生一男時公已五十矣初元明宗爲周王  
遜仁宗旨逃之漠北與瀛國結交瀛國之子妥懽帖睦爾

有異徵明宗乞養爲己子并納其母後卽帝位二年見弒  
文宗立詔謂明宗在朔漠素稱妥懼帖睦爾非己子徙之  
海島又移廣西文宗傳甯宗不數月而殂太后命迎立妥  
懼帖睦爾卽順帝也而實趙氏之子萬季野輯庚申君遺  
事考之最詳或云元人發掘南宋陵寢戮辱  
帝后遺骸天以順帝報其酷虐也豈其然乎

### 甘州歧路

府東北六里郝家墩又五里冷家墩十里趙元堡

北過山丹

河四里紅沙窩墩二十五里合黎山人宗口

兩山忽斷大道中通

狀如紫荊居庸明嘉靖中巡撫楊博於谷內建山南關府東北十里劉家凹又十

里東王堡

有大沙河

五里三壩堡折東

渡山丹河

五里太平堡北

三十里觀音山東山寺口

在人宗東南四十里

府東南十里齊家

渠紅山寺橋又十里沿河墩

大沙河

十里新溝堡三十里

石崗墩

屬東樂

三十里六壩五十里洪水營二十里永固

營

南通扁都口東南由黑城大馬營通永昌之黃城灘

府南十里清涼寺橋又五

里松樹園三十里朝元寺十五里榆嶺寺二十里酥油

口

入山通八寶山古佛寺約一百里小路纔通騎

府西南十里五座橋又十五

里周家鋪十五里小滿堡五十里大小尾麻口抵南山

府西南別一路十里官墩又十五里中龍王廟五里李

明堡二十里龍首堡二十里上龍王廟十里煙洞口山

東接板

有唐烏忒黑番一族

康熙中理藩院題定正首領給五品銜制付副首領

六品銜制付用滿蒙漢三種字其酋率由眾番公舉世襲隸於城守營今其族男女一百餘口爲漢西羌之種

府北十五里寺兒堡又五里山丹橋西北十里靖安堡

堡西北二十里廣王山西三十里撫彝之明沙堡西北直走塞外不必經嘉峪關也

辛卯侍行記卷四終



# THE UNIVERSITY OF CHICAGO

# THE